

事物異名錄

事物異名錄卷十一

愬谿 厲靜菴先生荃 原輯

仁和 關晉軒先生槐 增纂

音樂部

律呂

分 爾雅律謂之分疏律一名分以其分候十二月氣  
故又名分

同 周禮大師掌六律六同按同卽呂也以其同於律  
故謂之同

五音

五范 國語五范四時各以類相從註五范五音也

重 敏 經 迭 柳 爾雅官謂之重商謂之敏角  
謂之經徵謂之迭羽謂之柳又足大指名敏

少宮 少徵 唐書楊收傳某律少宮某律少徵亦曰  
變 以下變宮變徵

間宮 間徵 表異錄間宮間徵卽變宮變徵五音惟  
宮徵有變

鐘

鏞 鈔 剽 棧 爾雅大鐘謂之鏞其中謂之剽小  
者謂之棧疏大鐘聲大鏞大也又名鈔剽者聲輕疾  
也棧淺也

兌音 白虎通鐘兌音也

大聖銅

清異錄朱全忠時號鐘爲大聖銅避諱故也

長嘯

粲谷

奚囊橘柑鐘一名長嘯一名粲谷

華由

致虛閣雜列鐘曰華由

蒲牢

張衡西京賦發鯨魚銓華鐘註銓擊也蒲牢畏

鯨魚一擊蒲牢輒大鳴吼凡鐘欲令聲大故作蒲牢

形於鐘上以所擊者爲鯨魚形

鉦

鐃

古今樂錄鐃鉦也形如小鐘軍行爲鼓節

丁寧

左傳著於丁寧疏金鐃爲丁寧

鈸

銅盤

杜氏通典銅鈸亦謂之銅盤其圓數寸隱起若

浮漚貫之以韋相擊以和樂

草子 正字通鐃鈸用之以節樂或謂之草子或謂之

鋪鈸

鐃

響八 清異錄蜀王建軍中隱語鐃曰響八

雲鐃

雲璈 事物紺珠雲鐃九枚一架手執擊之卽雲璈也

雲板

鐵磬 續事始南齊置鐵磬卽今之雲板也

號筒

銅角 舊唐書音樂志西人有吹金者銅角是也長一

尺形如牛角貝蠡按卽今之號筒而稍曲者晉桓元製龍角所謂銅角也

長鳴 正字通長鳴今之號通也口圓而長如竹筒一尺五寸又有小柄空管從筒中抽出吹之其始以葭管後皆以銅作器象其聲

喇叭 正字通喇叭軍中吹器俗呼號筒見戚繼光新書

簸邏迴 事物紺珠大角名簸邏迴

磬

磬 爾雅大磬謂之磬疏以玉石爲之孫炎云磬高也謂其聲高也李巡云大磬聲清燥也故曰磬磬燥也

鳴球

書戛擊鳴球註鳴球玉磬名

浮石

書泗濱浮磬註浮石也張仲素賦練響鳴球選

和浮石

樂石

陳氏樂書磬之爲器昔人謂之樂石

洗東

致虛閣雜俎磬曰洗東

泗濱友

合璧事類李建勲目磬爲泗濱友

方響

通典梁有銅磬則今之方響也以代磬

琴

離

爾雅大琴謂之離疏音多變聲流離也

槁梧

莊子據槁梧而瞑註據琴而睡也

流徽

初學記堂上撫流徽按流徽謂琴也

嶧陽友 事物紺珠李建勲稱琴爲嶧陽友

焦桐 清音居士 文房圖贊續焦桐字良材號清音

居士

珠柱 庾信小園賦琴號珠柱

綠綺 陸游詩綠綺聲中酒半消按司馬相如有綠綺  
琴故後人卽以綠綺名琴

桐君 陳無已詩人生亦何須有酒與桐君按桐君謂  
琴也

手語 古樂府手語出朱紘心聲寄丹府註彈琴謂之

手語

瑟



灑 爾雅大瑟謂之灑疏音多變布如灑出也

文鵠 致虛閣雜俎瑟曰文鵠又瑯嬛記琴曰文鵠

空桑 楚辭註空桑瑟名

箏

頌瑟 唐書禮樂志頌瑟箏也

小琴 楚辭九歎註箏小琴也

秦聲 風俗通箏秦聲也

長離 類山長離箏名武夷山謝英妃撫長離又長離

一云齋栗

東宛 道籥箏一名東宛

繫爪 義甲 表異錄爲爪以彈箏曰繫爪又曰義甲

按繫一作擊 彈爪

箜篌

坎侯 舊唐書樂志箜篌漢武帝時使樂人侯暉所作  
以祠太乙其聲坎坎應節謂之坎侯聲訛爲箜篌  
空侯 控猴 曾益昌谷集註箜篌首刻如猴狀豈箜  
篌又空侯之誤歟升菴外集沈約宋書以空侯爲控  
猴

琵琶 附胡琴月琴

馬上樂 舊唐書琵琶漢樂也漢武嫁宗女於烏孫乃  
爲馬上樂以慰其鄉國之思

秦漢子 唐書禮樂志琵琶圓體修頸而小號曰秦漢

子蓋絃鼗之遺制出於胡中傳爲秦漢所作

鼗婆 席上腐談琵琶又名鼗婆

圓腹 武夷山記呂真人鍾離先生會武夷山呂阿香  
婁圓腹註圓腹琵琶也

遶殿雷 珍珠船馮道之子能彈琵琶世宗深善之因  
號琵琶爲遶殿雷

韓朋木 楊維禎西湖竹枝詞琵琶元是韓朋木彈得  
鴛鴦一處飛

胡撥四 處拍思 席上腐談王昭君琵琶壞使胡人  
重造而其形小昭君笑曰渾不是今訛爲胡撥四一  
作胡撥四亦作虎拍思按一說琵琶一名胡琴今觀

胡琴形似琵琶而小殆卽所謂胡撥四歟以下胡琴  
火不思 琥珀詞 正字通元志天樂一部有火不思  
制似琵琶今山陝中州彈琥珀詞蓋火不思之轉語  
也

囚牛 懷麓堂集囚牛龍種好音樂今胡琴頭上刻獸  
是胡琴頭

阮咸 國史纂異有人破古冢得銅器似琵琶人莫能  
辨元行冲曰此阮咸所作器也命易以木而絃之謂  
之阮咸以下月琴

耍琵琶 合璧事類阮咸又名月琴近世有依琵琶樣  
製者名曰耍琵琶

管

簫 簞 簞 爾雅大管謂之簫其中謂之簞小者謂之簞疏聲高大故曰簫簫高也

良音 白虎通管良音也

笛

尺八 仙隱傳房介然善吹笛名曰尺八按笛如古之管也

七孔笛 玉篇笛七孔笛也

茵于 志奇綠珠爲梁伯女伯至山中聞吹笛聲忽空中語云汝歸命女呼我名曰茵于我當至矣伯歸如法至期果至空中吹笛音極要眇綠珠聽之得十五

曲因名笛曰苒于又曰遠歸遠歸仙笛名

羌管

李商隱詩羌管促蠻柱註羌管笛也

玉龍

羅隱詩玉龍無主渡頭寒按玉龍笛名

簫

簫仲

簫

爾雅大簫謂之簫其中謂之仲小者謂

之簫

簫

沂爾雅大簫謂之沂疏簫聲悲沂悲也郭云以竹爲

之

簫

言簫

爾雅大簫謂之言小者謂之簫疏大簫聲大

者言言也小者聲揚而小箋小也又言汴都賦作管人籟 莊子人籟則比竹是已註簫也

石弦 紫佩 三餘帖簫一名石弦一名紫佩

尺八管 豎篴 珍珠船簫名尺八管其長數也一名

豎篴又笛亦名尺八

鳴籟 司馬相如子虛賦吹鳴籟註張揖曰籟簫也

紫玉 陳旅詩仙女乘鸞聽紫玉按紫玉謂簫也

簫

箛 吹鞭 宋書箛亦曰箛號曰吹鞭

蘆管 廣韻北方之人捲蘆葉而吹曰箛李益詩不知

何處吹蘆管一夜征人盡望鄉

觱篥

笛管 陳氏樂書觱篥一名笛管龜茲樂也以竹爲管以蘆爲首類胡笛而九竅

悲栗 合璧事類篳篥者龜茲國所獻其聲悲類笛又名悲栗

風管 說楮觱栗一名風管詩一之日觱發蓋寒風悲慘觱聲似之

頭管 正字通悲栗今鼓吹樂坊以爲頭管

笙

巢 和 簧 爾雅大笙謂之巢小者謂之和疏大者名巢巢高也言其聲高小者名和李巡云小者聲少



音相和也又笙必有簧故或謂笙爲簧又和棺前簫匏竽 釋名笙以匏爲之故曰匏竽

采庸 致虛閣雜俎笙曰采庸

居巢 雲笈七籤小娥運居巢註居巢笙也

參差 樂府雜錄笙者女媧造也王子晉於緱氏山月下吹之亦名參差又楚辭吹參差兮誰思註參差洞簫也

塤

塤 爾雅大塤謂之塤疏音大如叫呼聲

坎音 白虎通塤坎音也按塤卽塤也

鼓

鼗 應 爾雅大鼓謂之鼗小者謂之應疏鼓之大者名鼗其小者名應言聲應於大鼓也

樂君 荀子鼓其樂之君耶

震音 白虎通鼓震音也

吹雲 潛居錄鼓一名吹雲

送君 酉陽雜俎鼓曰送君

聖牛兒 清異錄蜀王建軍中隱語鼓曰聖牛兒

潑 雞林類事高麗方言謂鼓曰潑

寶槌 謝華敬秀寶槌鼓也

葵葵 大唐新語舊制京城內金吾曉暝傳呼以戒行

者馬周封章始置街鼓俗號葵葵人公私便焉

街鼓

皐陶 庶物異名疏皐陶鼓匡也

鼓匡

枹 韻會枹擊鼓杖也一作桴今謂之槌

鼓槌

鼗

麻料 爾雅大鼗謂之麻小者謂之料疏鼗如鼓而

小持其柄搖之兩耳還自擊一名麻其小者名料麻者音曉而長也料者聲清而不亂

梢子 因話錄鼗古樂也今不曰播鼗而曰撚梢子世俗之陋也

鞀

騎鼓 說文鞀騎鼓也

羯鼓

兩杖鼓 唐書音樂志羯鼓正如漆桶兩手具擊謂之兩杖鼓

腰鼓

答鼓 樂府雜錄答鼓卽腰鼓也

拍板

樂句 撫言牛僧孺以所業謁韓愈皇甫湜其首篇說樂愈見題掩卷問曰且以拍板爲甚麼僧孺曰樂句二公大稱賞王禹偁拍板論所以唐相牛僧孺爲文命之曰樂句

紅牙 研北雜志趙子固執紅牙以節曲註紅牙拍板也

捺瑟 合璧事類拍板一名捺瑟

祝敵

柷 柷 禮記柷敔註疏柷也柷以起樂敵  
以止樂

乾音 白虎通祝敵乾音也

歌

肉聲 正字通唐人謂徒歌曰肉聲

舞

挨藍 真臘風土記八月則挨藍按藍者舞也點差伎  
樂每日就國宮內挨藍

古樂

承雲 六英 九招 晨露 列子周穆王時有化人  
來奏承雲六英九招晨露以樂之註承雲黃帝樂六  
英帝嚳樂九招舜樂晨露湯樂也按黃帝樂曰咸池  
帝嚳曰五英湯曰大護思此其別名歟書篇韶九成  
故舜樂亦名九招

### 軍樂

鼓吹 橫吹 遼史樂志鼓吹一名短簫鐃歌樂自漢  
有之謂之鼓吹又橫吹亦軍樂與鼓吹分部而同用  
簫鐃 雲笈七籤帝以伐叛之功始令岐伯作軍樂鼓  
吹謂之簫鐃歌以爲軍之警衛

### 夷樂

事物異名錄

卷十一

土

秣 任 侏離 禁 周禮辨饔氏掌四夷之樂註東方曰秣南方曰任西方曰侏離北方曰禁又任公主之稱

事物異名錄卷十二

慈谿 厲靜菴先生荃 原輯

仁和 關晉軒先生槐 增纂

政治部

巡幸

省方 易先王以省方觀民設教

展義 左傳天子非展義不巡守

陟方 山堂肆考陟方王者巡狩之名

宸遊 初學記行幸曰宸遊

移仗 山堂肆考天子出行曰移仗車駕所止曰駐蹕

行在所 獨斷天子以四海爲家故所在曰行在所



扈從 石林燕語從駕謂之扈從始司馬相如上林賦  
云扈從橫行晉灼以扈爲大從駕

迎春

放春 發春 表異錄古者迎春東郊齊曰放春見管子楚曰發春見楚辭漢書太守有迎春班春之文

詔令

附文牒教條

綸紵 禮記王言如綸其出如紵柳宗元代謝出鎮表  
捧對綸紵不知所圖

紫泥 漢舊儀天子六璽皆以武都紫泥封按武都泥  
赤故曰紫泥然泥安能封或是用爲印色也

蘭檢 文粹唐張鷟奏曰蘭檢浮香潤龍縑而動色按

漢儀天子制詔以蘭英爲檢紫芝爲泥故曰蘭檢

鶴書

古今篆隸文體鶴頭書與偃波書俱詔板所用

在漢則謂之尺一簡髣髴鶴頭故有其稱

鳳書

山堂肆考後趙石季龍詔書用五色紙銜於木

鳳之口頒行之故詔書謂之鳳詔

制書

野客叢書武后諱墨以詔書爲制書

宣麻

山堂肆考舊制執政除罷皆宣麻按詔書皆用

黃麻故曰宣麻

尺一柬

山堂肆考漢制詔書一尺一寸高蘇東坡云

尺一柬呼我歸

令甲

令乙

新書天子之言曰令令甲令乙是也

鳳綵

陳拾遺集司言鳳綵揮翰龍池

絲言

許敬宗表載荷絲言

綸書

蘇頌詩聞道降綸書

龍綸

李中獻喬侍郎詩人間傳鳳藻天上衍龍綸

天藻

陳子昂表帝歌爰作天藻遐彰

以下聖製

宸藻

沈佺期詩宸藻光盈尺賡歌樂歲豐

睿藻

李嶠詩臣在東周獨留滯忻逢睿藻日邊來

天章

杜甫詩龍鸞炳天章

顯子

三朝國史樞密院給券謂之顯子按顯子如今

文牒

文牒

墨旨

山堂肆考墨旨州縣教條也見南史教條

賦稅

正供 書惟正之供按謂應徵之賦稅也

排戶 薛能詩管排蠻戶遠註蜀人謂稅爲排戶

租調庸 唐書有租調庸之法按租者粟稻調者

絹綿之類庸力役也

頭會 史記陳涉傳頭會箕歛以供軍費註吏到其家

以人頭數出穀以箕歛之故云 以下丁稅

身錢 後山談叢吳越錢氏人成丁歲賦錢三百六十

謂之身錢

租銖 漢書食貨志除其販賣租銖之律註租銖謂計

其所賣物價平其錙銖而收租也 貨稅

搨地錢 唐書食貨志茶商所過諸道置邸以收稅謂

之搨地錢 茶稅

格納 宋史食貨志海南收稅較船之丈尺謂之格納

船稅

算緡 漢書公卿言異時算輅車賈人之緡錢皆有差

請算如故註師古曰緡錢賈也 錢稅

禁錢 後漢書凡山澤陂池之稅名曰禁錢 山澤稅

權酤 辜權 估較 漢書昭帝議罷鹽鐵權酤註應

劭曰武帝以國用不足縣官各自賣鹽鐵酤酒昭帝  
罷之又韻箋權酤是征稅之法王莽傳謂之辜權晉

書南蠻傳謂之估較 鹽酒稅

埭程

合璧事類江淮堰埭商賈率船過處糾錢謂之

埭程

過堰錢

潤官

合璧事類諸路轉運使以民賦又令加耗謂之

潤官

加耗

白着

山堂肆考稅外橫取謂之白着

橫征

漕運

飛芻

漢書王父偃傳令天下飛芻輓粟註師古曰運

載芻粟令其疾至

免租

賜復

給復

後漢書光武紀光武幸南陽復田租一

歲父老願賜復十年又北史曰給復

欠租

逋懸 北史辛雄傳逋懸租調宜悉不征

科舉

大比 周禮鄉大夫三年則大比考其德行道藝而與賢者能者帥其吏以禮禮賓之 以下鄉試

賓貢 賓興 隋書梁彥光傳爲相州刺史當舉行賓貢之禮於郊外祖道并以財物資之按賓貢卽周禮賓興是也

秋貢 宋史選舉志秋貢春試皆置別頭場以待舉人之避親者

秋闈 黃潛試院同諸公爲注試官作秋闈獻藝初

省試 老學菴筆記自建炎軍興蜀士以險遠許就制  
置司類試與省試同問有願赴行在省試者亦聽之  
按省試卽今會試也 以下會試

禮闈 劉禹錫詩禮闈春榜動長安

赴試

踏槐 山堂肆考諺云槐花黃舉子忙故赴舉謂之踏  
槐

計偕 漢書徵吏民有明當世之務習先聖之術者縣  
次續食令與計偕按計偕謂與計簿之使者偕來也  
今鄉貢舉人赴禮部者卽漢時計偕也

試卷



帖括 唐書選舉志楊綰疏言明經但記帖括按今謂試卷帖括本此

中式

折桂 登蟾宮 避暑錄話世以登科爲折桂此謂郊  
詵對策桂林一枝也自唐以來用之其後以月中有  
桂故又謂之月桂而月中又有蟾故又改桂爲蟾以  
登科爲登蟾宮 以下登科

攀桂

陳元老詩桂子高攀第一枝

入彀

山堂肆考唐太宗見進士曰天下英雄入吾彀

中矣

中進士

占鰲頭

列子龍伯國有大人一釣而連六鰲故今大

魁謂之占鰲頭 以下及第

奪錦標 古今詩話唐盧肇黃顙同赴舉郡守獨餞顙  
明年肇狀元及第郡守會肇觀競渡肇卽席賦詩云  
報道是龍君不信果然奪得錦標回

破天荒 北夢瑣言宋荊州每歲解舉人多不成名號  
天荒解劉蛻以荊州解及第號破天荒 白屋

榜

蕊榜 藝林伐山大羅天放榜於蕊珠宮故稱蕊榜

虎榜 薩都刺及第謝恩詩虎榜姓名書勅紙羽林冠  
帶豎旌旄

龍飛榜 明野類要每遇主上卽位第一次選士謂之

龍飛榜

名錄

小錄 石林燕語試院官舊不爲小錄崇寧初霍端友  
榜安樞密惇知舉始創爲之自後遂爲故事小錄具  
生月日時者敘齒也

千佛名經 撫言張傳落第捧登科記曰此千佛名經  
也

報喜

榜帖 太平清話宋龔識登第時金花榜帖用塗金紙  
按榜帖今謂之報喜單

泥金信 開元遺事新進士及第者以泥金帖子附家

書中謂之泥金信

殿試

黃甲 山堂肆考黃甲由省中降下唱名畢以此升甲  
之人附於卷末用黃紙書故曰黃甲

臚傳

遶殿雷 山堂肆考進士唱第日宰相折視姓名則曰  
某人由是傳於階下皆齊聲呼之謂之臚傳亦謂之  
遶殿雷又夢梁錄朝正聲呼亦名遶殿雷又琵琶名  
喜宴

鹿鳴宴 韓愈詩相公朝服立工席歌鹿鳴按唐鄉貢  
懷牒自列於州縣試已長吏以鄉飲酒禮會僚屬歌

鹿鳴之詩故謂鹿鳴宴 舉人宴

瓊林宴 宋史選舉志太平興國八年進士始分三甲

錫宴瓊林苑 以下進士宴

探花宴 秦中歲時記進士杏園初會謂之探花宴以年少俊二人爲探花使

燒尾 邵氏聞見錄士人初登第必展歡宴謂之燒尾一說魚躍龍門化爲龍必雷燒其尾乃化故云又石林燕語謂在官遷除者亦然 私宴

門生

玉筍班 唐書李宗閔傳閔典貢舉所取多知名士世謂之玉筍班

美莊 唐餘錄崔羣知舉歸其妻勸令求田羣曰子有  
美莊三十所榜所放三十人是也妻曰君非陸贄門  
生乎君掌文柄約其子不令就試如以君爲良田則  
陸氏一莊荒矣

傳衣鉢 山堂肆考五代和凝登第名在十三及知貢  
舉覽范質卷亦以第十三人登第謂曰君文宜冠多  
士屈居十三欲君傳老夫衣鉢耳

桃李 古詩一旦聲名遍天下蒲城桃李屬春官按桃  
李謂門生也

落第

孫山外 遜齋閑覽孫山末名得解有同試者以書問

山得失答曰解名盡處是孫山吾兄更在孫山外

打盹睌 國史補凡進士捷而入選謂之春關不捷而  
醉飽謂之打盹睌

白臘明經 朝野僉載張鷟號青錢學士謂萬選萬中  
有董方九舉不第號曰白臘明經

綱官 續歸田錄蜀人石揚休屢拔鄉舉常屈春官蜀  
人比之綱官蓋謂牙校部上貢入京師只空歸也

### 落卷

紅勒帛 夢溪筆談歐陽公主文有一舉人論曰天地  
軋萬物苗聖人發公曰此劉幾也戲續曰秀才刺試  
官劄乃以大硃筆橫抹之白首至尾謂之紅勒帛

榜姓希僻

榜花 南部新書唐禮部放榜歲取二三人姓氏希僻者謂之色目人又號曰榜花

榜後死

報羅使 撫言進士放榜後必有一人下世者名報羅使言報大羅天也

考課

計吏 周禮太宰以六計弊羣吏

殿最 漢書丞相御史課殿最以聞註師古曰殿後也課居後也最首也課居先也

奉使



輶軒 羣書考索輶軒天子使臣也

星使 後漢書和帝遣使二人到益州投館吏李郃舍  
郃問朝廷二使何時發使驚問何以知之曰有二使  
星來向益州分野

玉節郎 蘇軾詩洗眼忽驚笑見此玉節郎

### 封賞

錫瑞 王拱宸表宗藩錫瑞按謂封也

匪頒 周禮家制之賦以待匪頒註匪分也頒班賜也  
刑書

三尺 漢書爲天下決平不循三尺法註三尺者以三  
尺竹簡寫法律也

法經 晉書刑法志魏文侯師李悝撰次諸國法著法  
經六篇按法經卽律書也

挈令 說文樂浪挈令註挈令蓋律令之書也

交訟

兩造 書兩造具備

雀角 鼠牙 詩誰謂雀無角何以穿我屋誰謂女無  
家何以速我獄又誰謂鼠無牙何以穿我墉誰謂女  
無家何以速我訟按今謂構訟爲雀角鼠牙義本於  
此

陰訟 周禮凡男女之陰訟聽之於勝國之社註陰訟  
爭中構之事以觸法者 私訟

干証

左驗 表異錄楊惲下廷尉廷尉考問左驗明白証左  
證左也言當時在其左右見此事者也

刑具

三木 史記魏其侯衣赭衣關三木証關三木頭及手  
足也皆刑具也

梏 梏 桎 說文梏手械也桎足械也又周禮鄭証  
兩手共一本曰桎

何校 易何校滅耳証校枷也械其首也 以下首械  
弓梏 左傳宋子蕩以弓梏華弱於朝証張弓以貫其  
頸若梏之在手故曰梏按此則今之枷亦可名爲弓

梠

彌尾青

北史宋翻傳翻爲河陰令縣舊有大枷時人

號曰彌尾青吏請焚之翻曰置南墻下以待豪右

屨校

易屨校滅趾註械足也

以下足械

桁楊

合璧事類接摺桁楊註足械也

櫟楚

書扑作教刑註扑櫟楚也

以下箠杖

掉柴

宋史刑法志或斷薪爲杖掊擊手足名曰掉柴

孟青

大唐新語侯思止以告變授侍御史按中丞魏

元忠曰急承白司馬不然卽喚孟青洛陽北有坂名

白司馬將軍有姓孟名青棒者思止閭巷傭保嘗以

此謂諸囚也

肉雷 清異錄來紹天稟驚忍當宰郃陽每肆枯木之  
威轟響振動時號肉雷 以下笞杖聲

肉鼓吹 山堂肆考唐李匡遠斷刑嘗聞捶楚之聲曰  
此一部肉鼓吹也

琅當 漢書王莽傳以鐵琅當當其項註琅當長鎖也  
以下鎖條

鐵繩 金史禹顯傳正大六年軍內變城破被擒帥義  
之不欲加害初以鐵繩鈴之既而密與舊部曲二十  
人道去

大關 酉陽雜俎趙安行野外見衣一襖持至家鄰人  
卽告官盜物捕送縣怒其不承以大關夾脛折三段

按大關卽今所謂夾棒也

夾棒

反接 漢書陳平傳樊陰受詔卽反接按反接謂反縛兩手也 縛手

### 牢獄

圜土 周禮凡害人者寘之圜土按圜土獄也

圜牆 漢書司馬遷傳幽於圜牆之中註師古曰圜牆獄也

請室 漢書袁盎傳徵繫請室註請室獄也

嚴棘 後漢寇榮傳置之嚴棘之下註嚴棘謂獄也亦謂之叢棘

狴犴 揚子狴犴使人多禮乎註狴犴牢獄也按懷麓

事物異名錄

卷十二

七

堂集狴犴好訟今獄門上獅子頭是又雜記憲章似獸好囚故立於獄門上

周桂 家語周桂王肅曰牢獄也

深室 表異錄左傳置諸深室謂獄也

囹圄 風俗通夏曰夏臺殷曰羑里周曰囹圄皆獄也又博物志夏曰念室殷曰動止周曰稽留

司空 禮記疏囹圄魏曰司空又工部名司空

狴圄 李嶠文狴圄空而京坻實按狴圄卽囹圄也

狴戶 囹圄 庾信文狴戶苦生囹圄驚動

圜狴 沈佺期詩幽籬動圜狴

圜扉 白六帖圜扉獄門也 獄門

獄訓

爰書 史記張湯傳傳爰書訊鞠論報註爰換也古者  
重刑嫌有愛惡故移換獄書使他官考實之故曰傳  
爰書也

負冤

戴盆 覆盆 司馬遷報任安書戴盆何以望天又李  
白詩願借羲皇景爲人照覆盆

釋罪

平反 漢書雋不疑錄囚多所平反按謂反罪人辭使  
從輕也

贖罪



金選 漢書有金選之品按卽呂刑所列贖罪也

顧山 漢書如淳註女子犯罪如徒當于山伐木聽使入錢顧工故謂之顧山

徒罪

胥靡 漢書師古註聯繫相隨而服役之故謂之胥靡猶今之役囚徒以鎖連綴耳

貶謫

遷客 山堂肆考凡人臣有罪而見貶謫謂之逐臣又謂之遷客

量移 白居易詩量移遠近未成官按唐人得罪遠貶遇赦移近地謂之量移

死罪

大辟 禮記其死罪則曰某之罪在大辟

殊死 漢書高帝紀其赦天下殊死以下註師古曰殊絕也異也言其身首離絕而異處也

棄市 漢書刑法志諸死刑皆磔於市景帝二年改磔曰棄市

囚死

瘐死 漢書如淳註囚以饑寒而死曰瘐

絞死 附自縊

磔 周禮公族有大辟則磔于甸人註縊殺之曰磔  
縊死 漢書趙皇后傳卽自縊死註師古曰縊絞也

雉經

釋名屈頸閉氣曰雉經如雉之爲也

以下自縊

投繯

睽車志有士人妻悍妒買妾每加凌虐妾不能堪屢欲投繯按投繯謂自縊也

事物異名錄卷十三

慈谿 厲靜菴先生荃 原輯

仁和 關晉軒先生槐 增纂

人事部

喜

鳧藻 後漢杜詩傳士卒鳧藻註言歡悅如鳧戲藻

審令 宋史夏國傳諒祚景宗長子也小字審令國語

謂歡喜爲審令

雀躍 劉夢得詩欲知雀躍心能喜正愛蟬連語未休

怒

髮指 史記項羽紀樊噲入瞋目視項王頭髮上指

牙歛 揚子法言始皇方獵六國而王翦牙歛註謂切齒而怒也

魏盈 方言魏盈怒也燕之外郊朝鮮列水之間凡言呵叱者謂之魏盈

馮齡 類齡 廣雅馮齡怒也又玉篇類齡切齒怒也惡發 老學菴筆記惡發猶云怒也

笑

粲然 穀梁傳人皆粲然而笑註粲然盛笑貌

解頤 漢書匡衡傳匡說詩解人頤山堂肆考解頤笑不能止也

軒渠 後漢荀子訓傳兒識父母軒渠笑悅

揶揄 後漢王霸傳霸至市中募人將以擊王郎市人皆大笑舉手邪揶之註邪揶手相笑也又邪亦作揶絕倒 晉書衛玠傳王澄有高名每聞玠言輒嘆息絕倒按絕倒謂極笑也

解顏 列子夫子始得解顏而笑

盧胡 闕子宋人得燕石以爲大寶周客聞而觀之掩口盧胡而笑又盧胡亦作胡盧

盟噓 通俗文樂不勝謂之盟噓山堂肆考盟噓笑聲呵呵 歌歌 博雅呵呵可笑也又廣雅唏唏歌歌笑也

哄堂 因話錄御史有臺院殿院察院一人知雜事名

雜端公堂會食皆絕笑左右不可忍雜端笑而三堂皆笑遂謂哄堂

歛飯 冷齋夜話一座大笑歛飯滿案

歡哈 韓愈詩笑言溢口何歡哈

罵

詬詈 魏書趙修傳從者噂噍喧譁詬詈無節按詬詈謂相罵也

凌誚 列子讓極凌誚註謂好凌辱責罵人也

保倨 方言保倨罵也燕之北郊曰保倨

哭

號咷 易同人先號咷而後笑

墮淚 晉書羊祜傳襄陽百姓於岘山祜平生游憩之所建碑立廟歲時饗祭焉望其碑者莫不流涕杜預因名爲墮淚碑

屑涕 北史房彥謙傳薛道衡牧番州路經彥謙所留連數日屑涕而別

悲痛

辛酸 嵇康詩自致力所難臨文情辛酸

辛楚 陸機與弟士衡書慷慨含辛楚按辛楚痛也別作憊

愁苦

殿屎 詩民之方殿屎表異錄民呻吟愁也



心曹 侯鯖錄愁憂也集韻音曹今人言心中不快爲  
心曹當用此愁字

忤性 王仲宣詩夙夜自忤性註嘆息也

慚愧

負負 後漢張步傳負負無可言者註負愧也再言之  
者愧之甚

憫慼 集韻楚人謂慚曰憫慼

弱顏 表異錄高元海譖祖珽見帝自辨曰必元海譖  
臣帝弱顏不能諱註見人自羞者謂之弱顏

卑陬 正字通卑陬愧惡貌莊子天地篇子貢卑陬失  
色

愚昧

檮昧 郭璞爾雅序不揣檮昧按檮昧無知貌

備督 荀子愚陋備督註備督無知也或作叢霜或作恂恂

驚駭

握兩手汗 投壺隨筆今世旁觀人涉險而濟者輒云爲爾捏兩把汗按元史憲宗召趙璧問曰天下何如而治璧曰請先誅近侍之尤不善者璧退世祖曰秀才汝渾身都是膽耶吾亦爲汝握兩手汗也

勇猛

操刺 表吳錄耶律德光指劉知遠曰此都軍甚操刺

操刺俗語猛勇也

強暴

跋扈 後漢質帝紀嘗朝羣臣目冀曰此跋扈將軍也

按跋扈猶強梁也

輜張 表異錄董皇后傳汝今輜張怙汝兄耶註猶強梁也

柔情

戴帽錫 表異錄梁彥先爲相州刺史百姓呼爲戴帽錫言柔軟也

勑勞

根涯 王阮詩坎豆皆勑作根涯悉勉旃自註楚語以

種物爲坎豆、勤苦爲根涯、

侔莫 方言、侔莫、強也、凡勞而相勉、謂之侔莫、

懶惰

咎窳 史記貨殖傳、咎窳偷生、無積聚而多貧、註、咎窳、苟且墮懶之謂也、

蕭杌 表異錄、懶放不勤事曰蕭杌、見文選、

急遽

諛詞 後漢、和后紀、輕薄諛詞、註、急遽也、

澗沐 方言、江湖之間、凡窘狎怖遽、謂之澗沐、

啍咤 丹鉛錄、俗語急疾頃刻曰啍咤、一作啍嗟、晉書、

啍嗟而辨集韻作咤、隋書、樂府作啍、今俗作趙趙、

迅速

飛風 推篷寤語吳人謂疾速爲飛風未詳所始唐制  
凡細馬次馬送尙乘局者於尾側依左右閑印以三  
花其餘雜馬以風字印印右體以飛字印印左體然  
則飛風二字蓋取義於馬耳

吝嗇

老慳 山堂肆考宋劉秀儉吝號曰老慳

妒忌

李益疾 唐書李益傳益少癡而忌克防閑妻妾苛嚴  
世謂妒爲李益疾

奸佞

閃榆 表異錄古雋曰閃榆傾佞之貌

驕矜

呂鉅 莊子一命而呂鉅註驕矜貌

風致

波峭 齊東野語京師指人之有風致者曰波峭

媚好

詡畜 漢書張敞傳註北方謂媚好爲詡畜

謹慎

將牢 丹鉛錄將牢猶俗言把穩

迂拙

方頭 輟耕錄俗謂不通時宜者爲方頭陸魯望詩云

頭方不會王門事塵土空縑白紵衣

疎誕

儻蕩

表異錄陳湯儻蕩不自收斂按儻蕩亦作儻蕩

謂疎誕無檢也

欺謾

眠姪

便劣

方言楚鄂謂欺謾爲眠姪一曰便劣

虛僞

何樓

劉貢父詩話世語虛僞爲何樓蓋國初京師有

何家樓其下賣物皆行濫物非沽濫稱也

糊塗

冬烘

避暑錄話唐人言冬烘是不了了之語故有主

司頭腦太冬烘之言

噎塞

陰喝 後漢書竇憲奪公主園田帝出過園以問憲憲  
陰喝不得對註猶噎塞也

奔競

望火馬 日遊神 編珠集嘉祐中未有謁禁士人爭  
馳騫請託有一人號望火馬有一人號日遊神言日  
夜奔競也

逐羶 王禹偁詩逐羶甚蚍蜉鬪雞同熠燿

貪婪

賕賕 表異錄賕賕貪財之貌



大量

海涵 蘇軾湖州謝上表海涵萬族

淺見

管窺 蠡測 漢書東方朔傳語曰以管窺天以蠡測

海以筵撞鐘豈能通其條貫考其文理發其音聲哉  
隙觀 蘇軾超然臺記如隙中之觀鬪又烏知勝負之  
所在

失志

軾軻 正字通人失志曰軾軻楚辭作坳軻別作坎珂  
事無定見

首鼠 史記灌夫傳田蚡曰與長孺共一老秃翁何爲

首鼠兩端註首鼠一前一却也

兩墮 後漢單超傳唐衡封侯轉橫天下爲之語曰唐兩墮註兩墮謂隨意所爲不定也今人謂持兩端而任意爲兩墮

事無瑕疵

沒包彈 野客叢書包拯爲臺官嚴毅不恕朝列有過必須彈擊故言事無瑕疵者曰沒包彈

事不合格

杜撰 野客叢書杜默爲詩多不合律故言事不合格者爲杜撰

事相邂逅

豆湊 餘冬序錄事相邂逅俗謂之豆湊

睡

黑甜 冷齋詩話南人謂睡美爲黑甜東坡詩一枕黑甜餘

黃嬾 歲時風土記唐人呼晝睡爲黃嬾

攤飯 陸游詩攤飯橫眠夢蝶牀註太白以午睡爲攤飯

華胥調

混沌譜

仙佛奇踪陳搏居華山有一客過

訪適值其睡旁有一異人聽其息聲以黑筆記之客怪而問之其人曰此先生華胥調混沌譜也又清異錄寇先生睡中有樂乃華胥調雙門曲也

睡聲

身囁 列子睡中吟囁呻呼按吟囁睡語也丹鉛錄作

唵囁 睡語

揖

肅拜 周禮太祝辨九拜九曰肅拜註但俯下手今時揖是也

叉手 增韻俗呼拱手曰叉手柳宗元詩入郡腰常折逢人手盡叉

跪

踞蹠 方言跪謂之踞蹠計今東郡人亦呼長跽爲踞蹠又立也玉篇拜也

捫骨地 正字通契丹言捫骨地者卽跪也

叩頭

自搏 表異錄趙熹爲從兄報仇值其病釋之仇皆卧  
自搏註叩頭也

言

心聲 揚子法言言心聲也

善談

炙輠 史記荀卿傳註輠者車之盛音器也炙之雖盡  
猶有餘流言淳于髡智不盡如炙輠也

懸河 晉書郭象傳王衍每云聽象語如懸河瀉水而  
不竭

久談

蟬連 葉夢得詩正愛蟬連語未休

詳言

羅縷 康樂詩羅縷豈闕辭窈窕九天人又羅一作麗  
戲言

俳詼 歐陽修詩如棄正論求俳詼

褻語

撒園葵 湘山集園葵即胡葵世傳布種時口褻語則  
其生滋盛故士大夫以穢談爲撒園葵

拙語

椎儲 前漢周勃傳其椎少文註應劭曰今俗名拙語  
爲椎儲

改言

雌黃 世說王衍與人言事輒更改人謂口有雌黃蓋  
古人以黃紙書字有誤則以雌黃抹之故云

矛盾 字典言不相副曰矛盾說見韓非子

背誓

寒盟 左傳吳子使太宰嚭請尋盟公使子貢對曰若  
可尋也亦可寒也

附會

葢殘 字典穿鑿附會謂之葢殘王充論衡葢殘滿車  
不成爲道

口吃

期期 艾艾 漢書周昌傳昌口吃嘗廷爭曰臣期期不奉詔又世說鄧艾口吃語稱艾艾

詢餘 正字通俗謂語不了曰詢餘

嘗食

染指 左傳鄭靈公食大夫黿召子公而弗與也子公怒染指於鼎嘗之而出

健食

肉磨 表異錄健啖者謂之內磨

老饕 蘇軾老饕賦蓋聚物之大美以供吾之老饕

開葷

解菜 野客叢書今人久茹素而其親若鄰設酒肴之



具以相煖熱名曰開葦於理合曰開素此風已見六  
朝觀東晉侯喪潘妃之女闍豎共營殮羞云爲天解  
菜正其義也

著破衣

穿空 書敘指南著破衣曰穿空

體寒

際痒 韓偓詩際痒餘寒酒半醒

凍裂

皸瘃 漢書趙充國傳手足皸瘃註文穎曰瘃凍創也

正字通今俗呼足跟凍瘡曰皸瘃

效人

效顰 莊子西子病心而顰其里之醜人見而美之歸  
亦捧心而效其顰富人見之閉門而不出貧人見之  
挈妻子而去之按顰與顰同

非人

反唇 漢書微反唇註師古曰蓋非之

譽人

說項斯 山堂肆考項斯江東人楊祭酒簡愛斯才贈  
以詩曰平生不解藏人善到處相逢說項斯

慕人

山斗 唐書韓愈贊學者仰之如泰山北斗

葵傾 曹植求通親親表若葵藿之傾太陽

識韓 李白與韓朝宗書生不願封萬戶侯但願一識  
韓荆州

撫育人

卵翼 左傳子西曰白公勝如卵予翼而長之註今撫  
育人卵翼言如鳥孚卵也

慫恿人

食間 方言凡已不欲喜怒而旁人說之怒之謂之食  
間或謂之慫恿

客至

左顧 漢書淮南憲王傳子高幸左顧有愧註左顧猶  
言枉顧

孫烏羅 雞林類事方言客至曰孫烏羅

來况 相如子虛賦足下不遠千里來况齊國按來况  
猶言臨訪也

留客

投轄 漢書陳遵傳遵每大飲賓客輒閉門取客車轄  
投井中

送別

歌驪 大戴禮驪駒逸詩客欲去歌之

折柳 三輔黃圖霸橋在長安東跨水作橋漢人送客  
至此橋折柳贈別

分袂 拾遺記蕭鳳使玉門關頻勸酒謂兄曰醉中庶

分袂不悲

治裝

行李 泊宅編李理義通人將有行必先治裝如孟子之言治任理亦治也又懶真子據左傳註以爲使人也

辦嚴 野客叢書明帝諱莊以辦裝爲辦嚴

啟行

發軔 正字通啟行曰發軔楚辭朝發軔兮天津

行旅

棲屑 後魏裴安傳京師遼遠實憚棲屑按棲屑往來貌

萍浮

山堂肆考鄭康成萍浮南北

蓬轉

梗泛

曹丕詩轉蓬離本根飄飄隨風翔又唐

詩栖惶勞梗泛

遊覽

相羊

離騷聊逍遙以相羊按相羊猶彷徨也或作相

徉或作侶伴

濟勝

世說許椽好遊山水而體便登陟時人云許有

濟勝之具

散步

消搖

瑯嬛記古之老人飯後必散步搖動其身故後

人以散步爲消搖

寄書

緘愁 山堂肆考凡人寄書而言相思之苦謂之緘愁

遠回

拜家慶 敖器之詩話唐人與親別而復歸謂之拜家慶孟浩然詩云明朝拜家慶須著老萊衣

餽物

獻芹 嵇康與山巨源書野人有快炙背而美芹子者欲獻之至尊雖有區區之意亦已疎矣

辭餽

反壁 左傳重耳及曹僂負羈饋盤飧寘璧焉公子受殽反壁

遣謝

送敬 後漢周燮傳安帝以元纁羔幣聘燮燮因自載  
到潁川陽城遣生送敬遂辭疾而歸註送敬猶致謝  
也

乖違

舛午 漢書劉向傳朝廷舛午膠戾乖刺註言志意不  
和各相違背也

勃谿 莊子室無空虛則婦姑勃谿註勃怒也谿反戾  
也

爭鬪

蠻觸 莊子有國於蝸之左角者曰蠻氏國於蝸之右



角者曰觸氏爭地而戰伏尸數萬

詰責

鐫譙 表異錄柳文鐫譙四至音煎嚼詰責也

請罪

銜塊 唐書元宗紀貴妃銜塊請死按銜塊猶今言負  
荆謂請罪也

訓學

舌耕 漢書賈逵傳門生來學獻粟盈倉或云逵非力  
耕乃舌耕也

筆削

圖乙 表異錄歐陽文忠詩補亡後序云增損圖乙圖

者塗抹也乙者勾止也乙字義見東方朔傳

潤筆

心織 筆耕 雲仙雜記王勃所至請託爲文金帛盈積人謂心織筆耕又傭書亦謂之筆耕

求知

鑽具 野客叢書漢書載賓戲曰商鞅挾三術而鑽孝公鑽者取必人之義今人懷所製求上官知者曰曰鑽具正此意也

銜才

技癢 風俗通高漸離變姓易名爲庸保久之聞其家堂上有客擊筑技癢不能無出言

虛名

白望 山堂肆考白望猶虛名也

自謙

下走 漢書蕭望之傳下走將歸延陵之臯註下走者自謙言趨走之役也

入學

采芹 詩思樂泮水薄采其芹按王制諸侯學曰泮官故入學爲采芹也

薦舉

推轂 史記鄭當時推轂士及官屬丞史有味乎其言之

先容 漢書鄒陽傳蟠木根柢輪囷離奇爲萬乘器者以左右先爲之容也

先游 表異錄先游介紹也猶言先容

入仕

釋褐 解褐 晉書刁協傳協釋褐濮陽王文學累轉太常博士又南史梁高祖紀詔年未三十不通一經不得解褐

牽絲 西溪叢語謝靈運詩牽絲及元興解龜在景平李善云牽絲初仕解龜去官也

解薛 山堂肆考入仕曰解薛唐詩解薛登天朝除授

鶯遷 山堂肆考詩出自幽谷遷於喬木後世賀遷除者皆曰鶯遷

披雲宴 元史朝官獲美除者寮友設酒於披雲樓以爲賀因名披雲宴六部得堂署則爭相餽遺謂之烘堂賀宴

泣任

下車 李白上韓荊州書王子師爲豫州未下車卽辟荀慈明旣下車又辟孔文舉

施惠

有脚陽春 唐書廣人爲宋璟立遺愛頌人謂璟爲有脚陽春

尸位

荒飽 枝官 表異錄書云尸位詩曰素餐商君謂之  
荒飽吳起謂之枝官

貪贓

簠簋不飾 漢書賈誼傳古大臣有坐不廉而廢者不  
謂不廉曰簠簋不飾

降秩

左遷 漢書師古註漢時依古法朝廷之列以右爲尊  
故謂降秩爲左遷諸侯官爲左官

鐫級 正字通中外官降級曰鐫級

滿任

及瓜 左傳齊侯使連稱管至父戌葵邱瓜期而往曰  
及瓜而代

告假

休沐 下沐 旬休 漢官儀五日一假洗沐亦曰休  
沐又字典一曰下沐一曰旬休

致仕

懸車 山堂肆考漢薛廣德乞骸骨上賜安車駟馬東  
歸廣德乃縣所賜車傳之子孫

投簪 山堂肆考梁陶宏景投簪高邁亦曰抽簪按簪  
笄也所以持冠者

遺榮 山堂肆考致仕而歸隱謂之遺榮

解龜 西溪叢語解龜去官也詳見前人仕

解組 全唐詩話賀知章上表乞還鄉里御製送詩并序云太子賓客賀知章鑒止足之分抗歸老之疏解組辭榮志期入道

謝政 正字通致仕曰謝政曲禮大夫七十而致仕若不得謝必賜之几杖註君不許其致仕也

釋紱 曹植表解璽釋紱又曰投紱亦曰解紱

遂初 李白送賀監歸鏡湖詩得辭榮祿遂初衣

養親

反哺 白居易詩何時能反哺供養白頭烏

娛親



戲綵 高士傳老萊子七十衣五綵衣爲嬰兒戲創匄  
於父母前

友愛

共被 後漢書姜肱兄弟共被而寢友愛天至

讓棗 推梨 梁武帝與弟武陵王書讓棗推梨長罷  
歡愉之日

兄弟不協

閨牆 詩兄弟閨於牆

參商 李白詩交柯之木本同形東枝樵悴西枝榮無  
心之物尙如此參商胡乃尋天兵按參商本左傳高  
辛二子事謂兄弟不相能也

懼內

落杖 東坡集陳季常妻柳氏頗悍季常畏之至或詬罵聲達於外東坡以詩戲之有云忽聞河東獅子吼  
柱杖落手心茫然

夫妻不和

反目 易夫妻反目不能正室也

竊入妻女

捲伴 桂海虞衡志南州法度疎畧婚姻不正村落強暴竊入妻女以逃轉移他所安居自若謂之捲伴言捲以爲伴侶也

喪妻

鼓盆 莊子莊子妻死惠子弔之莊子則方箕踞鼓盆而歌

斷絃 山堂肆考世俗夫喪妻者曰斷絃言如琴瑟之斷其絃也復娶者謂之續絃

悼亡 潘岳悼亡詩如彼翰林鳥同棲一朝隻如彼遊川魚比日中路折

抱小兒

負劔 禮記負劔辟邪註負謂置於背劔謂挾於旁疏兒在背上曰負兒在懷中亦稱負謂兒負之

擁樹面 漢書蘇林註南方人謂抱小兒爲擁樹面者以面首向臨之也

愛兒

舐犢 後漢楊彪傳曹操見彪問曰公何瘦之甚對曰  
愧無日磾先見之明猶懷老牛舐犢之愛操爲之改  
容

喪子

喪明 禮記子夏喪其子而喪其明

病痊

平復 漢書王褒傳太子體不安詔使褒等之太子宫  
虞侍太子疾平復乃歸

安穀 裴異錄病而能食曰安穀出淳于意傳  
壽終

考終命 書洪範五福曰考終命

苦蓋

屋龍更衣 十二賢廬山記饒子卿隱廬山無瓦屋代以茅茨每年易一茅謂之屋龍更衣

糊窻

泥窻 老學菴筆記蜀人謂糊窻爲泥窻花蕊夫人宮詞紅錦泥窻遠四廊

叩門

剝啄 韓愈詩剝啄剝啄有客叩門

賀入宅

煖屋 輟耕錄今之入宅與遷居者鄰里醺金治具過

主人飲謂之煖屋或曰煖房

不潔

麀糟 輟耕錄俗語以不潔爲麀糟按霍去病傳以世俗謂盡死殺人爲麀糟然義雖不同却有所出

種物

坎豆 王阮詩註楚語以種物爲坎豆詳見前勤勞

折花

拘花 輟耕錄南方或謂折花爲拘花唐元微之詩試問酒旗歌板地今朝誰是拘花人

接樹

駟樹 正字通接樹曰駟樹月令廣義有駟樹法

借錢

便錢 表異錄俗謂借錢爲便錢

齊力

邪許 淮南子舉大木者前邪許後亦應之此舉重勸力之歌也